

O Le Lalolagi o Agaga

Faitau le Alema 40:6–7, 11–14 e iloa ai mea na aoao atu e Alema ia Korianetona. Ona faaoga lea o punaoa nei e fesoasoani ia te oe e saunia atili ai mea o le a e aoao atu.

Mataupu Faavae ma Feagaiga 138:11–13, 18–22, 57

O le Taiala i Tusitusiga Paia, “Parataiso,” scriptures.ChurchofJesusChrist.org

Sa aoao mai Peresitene Dallin H. Oaks o le Au Peresitene Sili:



Ua tatou iloa mai tusitusiga paia e faapea pe a oti o tatou tino e faaauau pea ona tatou ola o ni agaga i le lalolagi o agaga. Ua aoao mai foi tusitusiga paia e faapea ua vaevaeina lenei lalolagi o agaga ia i latou o ē na “amiotonu” pe na “faamaoni” i le taimi o le olaga ma i latou o ē na amioleaga. Ua faamatalaina mai foi le auala e aoao atu ai e nisi o agaga faatuatua le talalelei ia i latou o ē na amioleaga pe na fouvale (tagai i le 1 Peteru 3:19; Mataupu Faavae ma Feagaiga 138:19–20, 29, 32, 37). (Dallin H. Oaks, “Faalagolago i le Alii,” *Liahona*, Nov. 2019, 26)

Saunia pe o le a faapefea ona e faamalamalamaina tali i fesili nei:

- O le a le mea e tupu i o tatou agaga pe a tatou feoti?
- E faape’i le parataiso? E faape’i le vaega o loo ta’ua ai e Alema le “pouliuli i fafo,” ae ua ta’ua foi o le falepuipui o agaga (1 Peteru 3:19) po o seoli (2 Nifae 9:12)?
- E mafai faapefea e le aoao e uiga i le parataiso ma le falepuipui ona faateleina lo tatou lotofaafetai mo le Faola?
- E mafai faapefea e lo tatou malamalama i le lalolagi o agaga ona faamanuiaina i tatou i le taimi o lo tatou olaga faaletino?

Pe a aoao atu, ia mautinoa e faamanino atu e faapea, i le va o le oti ma le toetutū, o agaga o ē amiotonu e nonofo i le parataiso ae o agaga o ē amioleaga e nonofo i le falepuipui o agaga. Faasoa atu pe o faapefea e lou malamalama e uiga i lenei upu moni ona aafia ai filifiliga e te faia i lenei olaga.